

敏

齋

詩

草

敏齋詩草

臨洮李苞元方

劍關

以下劍陽詩草

長劍誰能鑄森森插碧穹峯巒撐突兀屏嶂疊  
玲瓏已極坤維險難言世界空危岩開鳥道絕  
域關蠶叢自引金牛入常招鐵騎攻幾人能割  
據何者是英雄關外旌旗暗樓前燧火紅咽喉  
不可制帶礪竟難終昔建三分勢今垂一統功  
葭萌區久靖桔柏渡常通客過宵捫井人來畫

踏虹尋蘭逢鹿子拾橡遇狙公草蔓姜維壘烟  
迷寶誌宮遠瞻秦嶺北近瞰益門東雷雨朝驚  
魄雲霞晚盪胸午時才有日子夜更生風躍馬  
公孫述騎驢陸放翁青天吾上處憑眺意無窮

山衙

山衙天氣異將晚冷侵肌薄霧添秋暝輕烟散  
夕炊孤城門閉早古驛柝鳴遲鴉噪緣何事爭  
棲最穩枝

觸目

觸目皆奇景何須象外尋  
峯高山挂笏泉細水  
鳴琴樹引郵亭遠雲圍野寺深  
劍門天下壯杜  
句可長吟

### 紫薇花

花偏瑣碎色偏明  
十幅紅綃剪得成  
垂綬堂前  
何若若曳裾水畔更盈盈  
碧天霞艷才人句

劉禹

錫詩明艷  
碧天霞

紫禁風流學士名  
總擬移根栽

上苑襟懷不比玉溪生

李義山詩天涯地角同  
榮謝豈要移根上苑栽

### 夜抵西靈寺

縹緲西靈寺幢幡近碧天  
客隨明月到僧共白雲眠  
池影圖河漢松聲做管絃  
斗杓頭上挂欲取酌清泉

雞冠花

花冠紅艷宛如雞只少喈喈應候啼  
寒夜不驚遊子夢五更風雨任淒淒

西風欲鬪影難停雄武渾如膈膊形  
無奈昂藏飛不去甘隨秋卉滯莎廳

遇鄉人

故鄉一故人他鄉忽相遇不從故鄉來乃向故鄉去我欲寄一書千言萬言寫不了爲我語鄉人但道秋來離緒滿秋草

夜坐

秋深簾幙清夜坐又三更瓶菊燈留影窻蛩漏和聲咀書餘味出燃篆細烟生不使塵埃惹心方似鏡明

入劍門

層層石磴鑿雲根紅葉迎人入劍門天設雄關

無鎖鑰地連絕域有屏藩樓高尙遣熊羆守

時那

匪滋擾相距雖遠而山靜惟聞鳥雀喧來牧此

守關弁兵尙未撤回  
邦經二載敢云保障及黎元

### 姜平襄侯廟

竟將征伐一身任間道兵來忽見侵後主原無  
承業志將軍空有保邦心陰平勞勩終消沒劍  
閣英靈自古今階下黃楊偏遇閨憐渠受厄亦

何深

廟前有黃楊樹二株

利州皇澤寺武則天遺像是一比邱尼

禍水從何蓄尋源漢水濱陰私原有自感孕豈  
無因士護生兒貴天剛識后真翟翬還入侍雞  
牝竟司晨瓜蔓悲公子蓮花選嬖人相娛開鏡  
殿自冊號金輪堂遠希顏色簾深掩笑嚬當空  
懸日月餘閨創君臣誰奮風雲氣能令宇宙春  
黑龍妖漸熄綠鳥夢方新仁傑回天巧乾陵行  
雨頻何時掘嚴隧此地刻貞珉宛爾比邱像寧  
云清淨身老狐穿穴土飛燕拂梁塵遙想施幡  
日徒懷設帨辰猶存皇澤寺寂寞對江津



巴縣

古國傳巴子雄關設佛圖

佛圖關名

漢從雲際下江

向峽中趨帆似瀟湘轉城如島嶼孤我來膺百里慚愧范萊蕪

郊行

案牘勞形久郊行祇自憐柳陰雙燕舞松下一牛眠僧寺紅垣短人家翠幄連何時脫塵網送老白雲邊

題農人屋壁

暑月頻占雨來朝雨有無夜燈春舊穀夏簞織  
新蒲莎岸晴驅犢荷塘晚弋鳬殷勤訓子弟切  
莫關梟盧

過江至魚洞溪場

盈盈一水隔野市傍沙灘舴艋橫江過烟波帶  
雨寒時平人語遜歲熟鳥聲歡誰唱漁家樂前  
溪兩釣竿

辛酉卽事

莠苗相亂易蔓草遽圖難粟挽千山遠禽逃三

面寬將軍運指臂壯士奉心肝指日西征馬歸家盡解鞍

過海棠溪由石磴陟黃葛壩

未登黃葛壩先過海棠溪晚稻含烟密秋花帶露低鳥飛孤嶂外人語小橋西石磴層層上高同萬丈梯

望江閣納涼

高齋倚石巖坐見半江帆對檻塗山古茅廚粉

水鹹

岩半有泉名粉水

雷聲天外轉日影樹中銜欲雨

風先至涼侵白苧衫

晚眺

夕陽霞滿天空翠媚晴川古渡明秋水遙山暗  
晚烟歸村人度嶺遊寺客回船待到林藏鳥還  
看月魄圓

山堂

石磴少莓苔山堂盡日開雨晴梁燕去菓熟野  
禽來歲月空搔首山河一舉杯故園歸未得望  
遠更徘徊

梁灘堤

上下梁灘堤山環雜小邱

梁灘堤有上中下之別巴地中最稱膏腴

此中多樹木到處美田疇稻熟倉箱滿瓜殘園

圃秋賊氛今更遠山寨不須修

時教匪在川陝邊境指日可以

蕩平

途中寓目

石塲何用築揉簸稻成堆鑿洞雲屏破犁田水

鏡開蔓纏匏挂樹枝亞柳眠苔白鳥坐牛背牧

童猶未來

鄉村

數株簷外柳蟬鳥互相鳴  
戶牖看山近陂塘蓄  
水清棕鞋荷葉帽菰飯  
槿花羹景物鄉村異吾  
歸亦力耕

香國寺僧送桂花

金粟綴枝稠誰將氣味投  
僧來香國寺客醉望  
江樓自顧身將隱相憐影亦秋  
小山茅屋在寄  
信早綢繆

望江書屋夜坐

敏齋詩草

卷下

七

半岩開石屏待月倚軒櫺燭動棲林鳥階閒照  
字螢鑪烟高迸霧山火遠疑星夜色蒼茫裏江  
城一客亭

佛圖關

崔巍關勢鎮巴陵傍有花宮時一登欲問鈴聲  
作何語世間誰是佛圖澄

對月奉懷石琢堂太守

藹藹秋才半明明月正中百川光潄灑萬木影  
玲瓏永夜寧疲照浮雲不礙空有懷賢太守心

鏡苑相同

病起

竟藉刀圭術能除旦夕憂出門將散步滿樹已  
驚秋雨滑宜扶杖風寒欲着裘擬觀江水濶力  
弱怯登樓

舟行遇風

一棹遇風波中流嘆若何大江飄蚱蜢深窟起  
鼉鼉破浪心胸減臨淵恐懼多篙師便涉險猶  
自發高歌



嘉陵江中

嘉陵秋漲退百丈覓人牽險阻橫江石功名上  
水船鳩鳴雙旆雨漁爨一篷烟岸柳何蕭瑟三  
巴九月天

入觀音峽

鑿開山百丈漢水此中行滿峽雲烟氣一天風  
雨聲崖空泉直下壁立樹橫生正值濶翻處慈  
航傍岸橫

石崖鑿洞  
中設佛像

望江書屋同九弟獻夫眺望

海棠溪上樹隔岸對軒櫺遠水寒逾白高山凍  
不青燒菑烟漠漠伐木響丁丁洲渚多禽鳥吾  
偏愛脊令

初冬郊行卽事

村外寒塘淺田間小徑斜烟籠山蘊藉霞照水  
光華橘熟皮爲藥楓酣葉作花閒時歌蟋蟀翻  
羨野人家

王漚川巡檢署內小亭冬日夜飲

堂隅開小院亭畔鑿方池竹可千竿續山因一

簣爲寒花猶在眼  
新月恰如眉  
半醉清談好  
呼僮撤酒卮

與客夜坐乘涼

入房如入甌  
酷暑氣蒸人  
倦敢眠蒲席  
涼宜坐草茵  
吹燈風力細  
照酒月華新  
與客談詩久  
星疎夜向晨

渡江

浩浩復悠悠  
橫江一葉舟  
水兼天影動  
波帶日光流  
兩岸山迎送  
千帆客去留  
何如沙渚上  
相

對數閒鷗

夏日郊行由石龍場至雙洞

紺園幾處好茅屋數家連峯頂皆杉木山腰亦  
稻田雨來添堰水雲過帶廚烟猶是巴中地何  
殊物外天

窻月

窻無紗與紙明月得窺人光奪孤燈淡涼拋團  
扇新寂寥遊子意留滯宰官身千里家鄉隔無  
由見所親

句言直  
夜起

蚊蚋驅人起披衣戶外行就涼移竹榻延爽坐  
松棚把卷嫌燈熱銜杯愛月明莎雞何處伏振  
羽一聞鳴

曉入渝城

海東隱隱露朝暉火炬行人不用焚將曉山烟  
開一半久晴江水減三分篙擎蚱蜢洲邊過更  
打蝦蟆郭外聞却笑今朝入城市襟裾猶帶嶺  
頭雲

送弟鏡江旋里

五載他鄉又到秋歸期應卜大刀頭兩肩行李  
半書畫一月征衣兼葛裘鹿嶺雄關名白馬蠶  
叢舊路闊金牛鞭絲帽影經過處憶到鄉園話  
勝游

壬戌十月二十六日卸巴縣事

屈指瓜期代而今十月終難扛百斛鼎暫弛六

鈞弓隱吏辭梅福

訓縣尉李公漚源

求仙遇葛洪

葛公若煒

接署巴縣事

雪泥痕宛在應念北飛鴻

將去頻回首依依戀大馮

謂石塚  
堂郡守

兩年承樾蔭

三事盡葵衷內外雙江合東南半壁雄使民嚴

保障會見罷兵戎

時竄匪入境郡守  
司馬率兵勇剿捕

十月尙丹楓山山點綴工囊携琴軫古匣貯印

牀空齊魯風何近巴渝曲未終長亭環士女留

別意無窮

劍州吾舊治土瘠卹民窮麥秀孤城外花開萬

嶺中恩威慚賈父教授遜文翁敢說揚鞭去歡

迎竹馬童

沈二客寓看玉蘭花

西蜀繁華地江城久客難君猶賃屋住我亦借  
花看夜雨胎銀杏春風琢玉蘭新愁寫不得木  
筆帶烟寒

題桃源圖

兩岸桃花絕世塵漁郎無復覓芳津要知耕鑿  
昇平日處處桃花源裏人

詠白桃花

肌膚如雪怯春寒來自天台着素紈不嫁東風



緣底事白頭吟到白頭難

謁少陵先生祠

郭外草堂寺旁留工部祠老曾憐鬢髮愁尙現  
鬚眉幕府秋風客江村春日詩溪花相信久吏  
隱實兼之

翠竹斜籠徑幽花淺映池交游鷗鳥在心事子  
規知稷契生平志乾坤絕妙辭典型垂往哲捨  
此欲何師

遊昭覺寺

古蹟宣華苑勝遊昭覺寺前曾策馬過今偶結  
伴至短垣開便門古木繫游騎鋪徑松陰暗繞  
廊竹影遶持鉢羨如來拄杖宗寶誌禪衍制龍  
法經藏換鵝字僧徒三百餘花信二十四牡丹  
包猶含海棠色正媚彷彿聞迦陵依稀飛舍利  
鳥散停粥鼓客多覓茶器讓人先入社囑童毋  
唾地方丈餘妙香梵唄雜清吹我生片刻間如  
醒千日醉更看放生池有感臨民吏人命輕草  
菅文網違律例水懦火太烈屢賤踊必貴莫存

煩惱心應會慈悲意眼膜金篦刮身難寶筏濟  
諸天大歡喜吾道廣布施去矣鐘魚催勉旃日  
月逝

小天竺

蜀雨夜無多凌晨出南郭麥豆迷阡陌雞犬散  
墟落一徑東南轉筍輿到蘭若三楹大士殿瓶  
柳拂纓絡右屋形如船載花烟漠漠曲折穿迴  
廊才了登小閣烟花牆外繞池沼苑中鑿石磴  
掃塵埃板橋傲畧約觀察有遺像飄飄雲中鶴

宰官身偶現古人不可作伊余牧劍陽庸材蒙  
繩削跳梁防小醜此事尙如昨數年召棠大一  
盃魯酒薄何處起哀聲深林叫蜀魄

中有王秋  
汀觀察像

### 南臺寺

小天竺之東其寺曰南臺相去不二里春日乘  
興來棟宇高且厰法門層層開清香傳別院鼠  
姑錦繡堆衲子延客坐苦茗獻深杯云此剎最  
古傳有千年槐往歲被火轟土焦木成灰金剛  
身不壞龍象泣可哀大力檀越主岷嶺搜良材

結構公輸巧紺宮何壯哉於戲李開府中藏大  
辨才能令諸天喜何況此嬰孩誠求惟一心好  
惡慎所推帡幪西土人天札不爲災論道邦國  
活冀公復爲誰麥豆霈膏澤慈雲四野垂南臺寺前  
後凡七層乾隆乙未冬因征金川內貯火藥失  
火轟擊無遺而三世佛像如故甲辰乙巳制軍  
李公世傑建修規模較前更爲闕厰

閏二月十七日

往歲春光閱九十今春一百二十日閏餘恰值  
春之仲明媚景色更堪悅繞階草色互淺深鋪

地柳陰半疎密楊花已飛不盡飛荷葉才發未  
全發岷山冰雪三分消錦水波瀾一半濶斜睇  
早煩燕子意哀鳴方染杜鵑血成都寓客臨洮  
子暇時徑向南門出南臺古寺迴瀾橋訪古惟  
恐有遺失欲擬再遊浣花溪題咏恨無生花筆  
興雖不淺日已斜歸來仁攬維摩疾小瓶花意  
媚幽獨古篆香烟裊斗室羸來閨月看看破今  
日已過一十七

宗兄星白少府飲借綠堂中賞牡丹

風雨蕭蕭幾竿竹晴烟嫋嫋數株柳牆外綠色  
最可憐日日借來爲已有况逢檻內落花開一  
片異香入戶牖嬌麗顏色竟何似傾國佳人春  
醉酒星白少府太白裔調吟清平不絕口爲我  
亦是隴西人邀來看花情意厚主人敬花如敬  
客酌花醇醪亦大斗更覺精神百倍生無風自  
舞大垂手夜深手持高燭照風流可繼東坡後  
此真富貴稱花王應祝主人印繫肘

芍藥

千紅兼萬紫都向東風嫁祇有芍藥花意氣不肯下爛漫開園中色深花亦大時過乃爭奇殿春啟長夏春花非儔侶夏花豈流亞一隊與一格自成不假借人言草本屬莖葉多軟懦此獨遇風雨生氣不少挫惜哉溱洧間士女紛迎迓相謔以花贈清姿蒙污浼

春暮瓶中無花可浸忽有以六蝶攢珠花

獻者因作此詩

此花一名珍珠又名野繡球

大塊富文章收我一室內室多几與案膽瓶隨



位置不惜買奇葩紅白相匹配神仙韻絕倫王  
者香撲鼻恍同高士接如與美人對此徃彼復  
來快慙生平嗜云何春花盡覺我形顚頽旅舍  
闇無光深情何處寄彼姝者誰子忽隨曉風至  
花樣竟不同足見文章異繡球未團圓珍珠半  
破碎翩翩玉蝴蝶粉白競標致或五或六七圍  
繞相遊戲一枝蝶一百一株千萬計稱名固各  
殊本草亦未載開雖殿芍藥芳猶先茉莉對酒  
饒逸興握管乏綺思花耶蛺蝶耶悠悠付夢寐

留滯

留滯緣何故錦城春已殘十年栽樹易千里聚  
糧難事逐古今變雲行天地寬放懷謀一醉且  
使夢魂安

陸大秀三歡喜庵送行

去住同爲客煩君送我行適來歡喜地渾忘別  
離情南陸陽方燄西山雪尙明約期秋九月能  
否會龜城

與橋

平地雷聲起橋梁東急流從容分幾道曲折灌  
千疇蓮沼生花艷魚塘孕子稠豈同無用水觸  
石響山溝

自回水舖至建寧驛宿

兩山牧牛兒彼此可相喚中有良田疇栽秧已  
過半數里一人家宅邊蒔薑蒜青烟縈竹柏知  
是午炊爨山間有古驛壘石何崖岸一洞通行  
人柝聲戒昏旦

潼川府

蒼茫古梓州高望豁雙眸地隘山橫出川平水  
亂流兵多牧戰馬人盡買耕牛太守今勞苦何  
曾樂泛舟

杜少陵集有數陪李梓州泛江  
有女樂在諸舫詩茲翻用其語

### 自高山舖至秋林驛

曉雲多罅隙日光露如雪昨日不落雨今日亦  
晴霽趁涼山徑行嵐氣侵衣袂山腳清淺水水  
西我東逝遙見條桑人三五出林際今年繭絲  
成可早完賦稅

### 蟾泉

三臺界內

何物盤踞此一泉蓄毒水外觀色澄清幾與常  
水比雖遇至明人未遽測其裏偶誤一中之蠱  
深不得起婆心者阿誰鐫碑道傍示我來當孟  
夏午日火烈似僕夫不識丁告語方唯唯忍之  
復忍之口渴不至死

行次富村驛追憶王明府往事而賦

畦畛象僧衣碌碡屬農器漚麻滿池塘摘繭盈  
筐筥村民不逐末猶有上古意獻賦經摧殘民  
力嘆困匱休養百餘年偏災不爲祟矧多神明

宰征徭去民累春秋逢社日相與酩酊醉光天  
化日下妖術誰敢試嘉慶庚申春么磨到此地  
白芳五百人王宰權作帥奮勇來截剿賊黨已  
辟易矛漸劍方炊兵曳甲忽棄驚鳥散紛紛鵬  
鷗更猛鷺挺身獨巷戰殲賊猶三四旌竿何太  
多一劍非不利山欲亡彭岑民真失龔遂伊余  
牧劍陽南部當巽位小醜前跳梁謀者日翹企  
我裁雁足書君答蠅頭字爲言剿且防大局已  
布置不使境以內白晝走魑魅更擬擒渠魁檻

赴持節使當時壯其言謂公真能事忽聞身被

難南望揮涕淚守城人藉口殺賊誰奮臂卓卓

毛海客與公同此志

簡州牧毛公大瀛聞賊臨境亦率鄉勇堵禦被害

梗慨書貞珉遺像存古寺碧雞金馬神永鑒此

靈輿

王公贊武號建東貴州興義府貞豐州人乾隆甲午孝廉爲南部宰嘉慶五年二月

賊首冉添元等竄入南部境內公率鄉勇五百人馳赴富村驛剿堵賊見驚奔公追逐十餘里不及暫回富村傳餐賊突至鄉勇驚散公挺身殺賊數人賊衆力不能禦遂被害

自富村驛至金鞍舖

半日逐山行登頓隨低昂身動心頗靜幽趣領

難忘宿烟開嶺岫晴翠迷村庄竹外秧雀叫水  
邊驚鳬翔初夏野花少翻覺草木香回思在城  
市腥羶不可當

自大橋至閩中縣

樹連山驛迥溪架野橋寬石磴緣雲上巖花冒  
雨看古池深貯碧高寺遠流丹重見嘉陵水扁  
舟欲上難

閩中

鶴峯聳雲表雉堞繞江干水抱城三面山開路



萬盤閩中饒勝事

杜詩閩中勝事可腸斷

劍外得奇觀工

部題詩處騷人屬和難

### 張桓侯祠

桓侯守閩中八面著威風  
大鼎三分業長矛一世雄  
有才服龐統無命比關公  
古墓江城裏綠垣霞襯紅

### 初栽稻秧

劍地水田少秧苗栽亦遲  
微雲微雨後半綠半黃時  
未可喧鼃黿祇應飛鷺鷥  
畫圖不到處物

色最宜詩

癸亥夏至後一日雨

蜀地燥易渴五日宜一雨矧茲劍多山高下盡  
瘠土芒種歷夏至久晴人畏暑秧難長秔稻苗  
易穉稷黍鸞鳩昨夜鳴商羊今朝舞雲逐雨脚  
垂溜自堰口吐百禾生色澤如乍飲膏乳從此  
卜公私將來多積貯小醜恨蔓延三巴及秦楚  
伏誅已數萬餘孽尙游釜兵興七八年粟挽不  
勝數大功屆垂成

睿慮煩當宁軍儲猶宜籌倉穀亦須補幸此甘霖降年豐諸事舉得解

王家憂還酬田家苦雨師常効靈上蒼恩澤普  
凍雨

雷鳴萬屋響雲罩四山陰震動天威遠滂沱帝澤深  
堙封藏門蟻野樹庇驚禽兵馬重重洗么麼一一擒鄉民  
皆賣劍邑宰可彈琴歲歲占豐稔從知造物心

堂前木槿一株感而有作

苔色侵階砌樹影透簾箔堂前木槿花入夜猶  
不落物性有轉移天心無厚薄榮華不自保頃  
刻見蕭索

### 苦雨

繁露求雨法縱陰閉諸陽今逢大小暑祈晴無  
靈方階前老少半年月如人長無愁女兒花時  
作含淚粧側聞野老說農事近拋荒茶蓼不得  
攀反與禾爭強曰余守茲土愧非段文昌久雨  
一出遊天晴農不妨

段文昌帥荆南民爲語曰  
旱不苦禱而雨雨不愁公

遊出

送劉雲嶠同年赴選

入蜀君在前留蜀我在後送君從此去不忍遽  
分手蜀道古稱難六月今行走紅塵入長安慎  
勿棄敝帚身披鵝溪絹心憶卽筒酒他日雙飛  
鳬再到西川否

憶十二弟芍

短李行第七人亦稱十二口能讀父書心欲養  
親志不屑敷鵝鴨行當騁騏驥只恐不加鞭千

里未能至相別已七載相思在兩地好趁秋風  
雁寄我數行字

堂開

堂開延爽氣漏轉報初更蛙鼓因風遠蛛絲得  
月明愛閒緣省事好靜學無生脫畧天涯客能  
兼吏隱名

秋日觀稼

麥秋秋無麥專待秋禾熟幸天不屯膏黍稷分  
外綠黃茂雲朝襯紅鮮雨夜沐看已飽人眼行

將果民腹作羹饒蜀葵作豉饒巴菽山山青草  
長憂減牛羊牧

客館不寐

怪爾吟秋蟲處處同此聲日間已蕭瑟入夜更  
淒清如隨我到處作意向我鳴鳴者本無意聽  
之却有情我情不可觸一觸萬感生勸爾少休  
歇還家夢或成

賦得梅花落

時卸劍州事  
將赴巴塘

一樽花下飲花落酒杯中片片香猶在垂垂影

漸空翻因辭舊雨未免怨春風後會梅應老  
天涯亦老翁

送三弟鶚一回家

大劍門開第一程主人東道必多情

謂洪巡檢定俊路

傍應有梅如雪更着飛花送客行

先讓春風到隴頭一鞭追去莫停留須防料峭  
春寒甚雪盡還披季子裘

客路風霜已久便郵亭夜夜好安眠此時休作  
還家夢真箇還家二月天



千絲萬縷緒無端欲作家書下筆難歸報高堂  
無別語天涯游子日平安

除日過綿州

宜春彩帖煩人寫賀歲佳肴向婦謀客路又看  
今歲盡夕陽影裏過綿州

癸亥旅館除夕時余有巴塘之行

簾靜燈明花又燃衰顏春色酒能傳欲題癸亥  
年將換似守庚申夜不眠官舍親朋違笑語隣  
家夫婦喜團圓可憐年少臨洮子蜀地從兄又

一年

時弟獻夫  
愛堂同行

沉香舖早行

寒天未五更客子已登程  
倦馬猶思秣晨雞不肯鳴  
過橋雙炬導近驛一燈明  
此日他鄉客消愁仗麴生

龐靖侯祠

君臣魚水契還有鳳雛來  
似此三條計原非百里才  
身能先士卒靈尙役風雷  
過客頻瞻拜祠堂日日開

遷館

乾坤一旅舍何事又遷移翡翠巢珍木鷦鷯擇  
好枝冷憐烟火遠僻與性情宜況有梅爲友春  
風共酒卮

贈李務齋時年七十

傳言李十二產自青蓮鄉當日讀書處雲山鬱  
蒼蒼公也乃其裔何年徙劍陽詩書爲箕裘生  
計兼農桑早歲游泮水芹藻襲芬芳柳汁未染  
衣壯懷空激昂元禮作楷模薰陶皆善良亦足

稱人傑如圭協令望膝上坐元度江夏有黃香  
行年當杖國含飴樂未央昔余來牧日小醜正  
跳梁繼而逼城下公等共保障毛錐換羽箭儒  
服易戎裝惟公更靜定佐我保一方痛定更思  
痛往事實周章人生於憂患聖言不可忘古稱  
壽平格逢吉身康強以此作頌語一笑傾壺觴

次韻盧旭林邀賞牡丹詩

種菊官衙性所耽忽然致仕比羅含寄居竹列  
竿千萬借看花開朶兩三露蕊才容莊蝶採天

葩未許野蜂探仙妃昨赴蟠桃會今日歸來酒  
尚酣

小臺昨歲覽秋華帶露芙蓉壓菱葭看到牡丹  
情更爽邀來李白興猶賒依稀曲檻飛紅雨湫  
灩深盃泛紫霞險韻詩成和不得才名八米屬  
君家

旭林以采芝圖囑題卽成二律奉贈

我本臨洮子君家寄玉門共來携隴鳥相與聽  
巴猿夜雨花千樹春風酒一罇牡丹才屬思又

令咏蘭蓀

時方和旭林咏牡丹詩二首

采芝山谷中心跡古人同欲覓騎驢客相尋放

鶴翁多君兼吏隱囑我課兒童絳帳風流杳傳

經愧馬融

時伊子沅從學於余

### 小圃

浙瀝三春雨颼颼五更風閉門雖種菜莫使老

英雄

陸放翁詩閉門種菜英雄老

夏初西郊散步

以下詩社吟

敲門看牡丹足不出城郭花事今將闌游觀踐

友約西郊風景好園圃雜村落麥青菜花黃一  
望錦繡錯渚蒲葉尙短堤柳陰猶薄散步意遲  
廻放眼界寬廓是日天半陰日氣露雲脚風吹  
冷逼人白氎裘可着倦飛鳥雙雙晚爨烟漠漠  
携手同歸去邊城欲鳴柝

觀音庵同人小飲

不見故人徒相思旣見故人莫相離况復續開  
月泉社月月聯袂吟新詩今日相邀入蘭若清  
淨恰與幽懷宜連理翠柏橫砌畔謾謾八種清

風吹芍藥欲開猶未開三春柳綴花參差祇恨  
僧院無薺蔔何物香能沁心脾酒香更比花香  
好勸君滿飲琉璃卮醉後詩不計工拙俚言翻  
教解人願憶我寥落坐劍州寄來詩句皆新奇  
阮籍咏懷左詠史田家雜興儲光羲刻劃山水  
賦花木倡和遠追陸與皮令余誦讀難釋手燃  
燭常到三更時硯雜墨硃誤點筆批評字醜行  
斜歌蜀棧隴坂路迢遞千里裁答神俱馳當時  
佳章未遙和此日倡酬更尋誰壓倒元白吾何



敢強押競病或能爲沅州太守詩宗匠吾輩昔  
日相追隨學有淺深質高下一瓣香祝總在茲  
他日塑像松花菴爲翁改造三間祠卽於祠內  
作吟社差勝寺觀常遷移菴松蒼蒼色不改對  
此肅然慎搦持下筆定有神靈助豈但殘錦與  
邱遲

山子石歌

金城城中山子石傳是肅藩所留之古蹟肅藩  
一去百餘年此石層累猶崩斲憶昔大明創業

初封置諸王遍郡國模也太祖十四子天潢照  
耀天西北初封甘州徙蘭州太平無事廣園宅  
命匠入山採棟梁復令鐵錐敲瑤碧石髓流溢  
雲根斷輦來幾困馬牛力橫教成嶺側成峯下  
脚中腰上山脊天然疑倩愚公移斗絕非關巨  
靈劈激水在山山有泉噴薄崖畔穿岩隙點綴  
稚松兼小草雨後岡巒翠欲滴米老曾披拜石  
袍謝公尙着登山屐春去秋來幾何時人代遞  
遷世變易苑內空餘修竹園風流雲散平臺客

金牀玉几忽灰塵雁池鶴洲祇蘆荻海上飛來  
雨三峯木凋花謝無顏色一拳人不肯愛惜鑿  
作碑碣與礎礪更閱星霜幾十秋磊磊那復高  
百尺君不見淮南辭稱大小山河間獻王好書  
籍淳化帖是肅藩物韻事猶然寄翰墨

擬謝臨川遊山

辛苦出皇邑來守滄海上清晨了簿領駕言游  
青嶂沿逕野花發赴壑溪水漲磴引屐齒高雲  
開眼界曠連岡遞起伏危峰互背向青翠渾一

色凸凹各異狀澗猿飲臂聯山雞舞神王顧余  
乏儔侶誰與共春釀

炎日灼南天高風扇越嶠行行避溽暑步步開  
窈篠林長樹影接山澗嵐氣罩葉底鳴新蟬霧  
中隱文豹數片雲仝合一峯雨先到谷暗緣午  
陰崖徹由夕照臨澗頻濯足倚松暫脫帽寺僧  
欲留人禪房煩灑埽

峯巒攢海徼鬱律多奇秀千雲形勢高入秋容  
貌瘦楓丹杞柳黃錯雜如錦繡商飈吹林薄落

葉滿岩岫嶺度入塞鴻山鳴緣木狖步滑徑苔  
鋪齒寒澗水漱遲暮傷年歲飄零感節候狗祿  
負宿心何當解組綬

卑位代躬耕

用謝公句

且復守滄海石門名勝地葺

宇頗幽塏攀葛登絕頂四望山崔嵬遠岫屯雲  
白陰崖積雪曜水減石泉聲霞添丹嶂彩澗竹  
搖寒翠嶺梅舒凍蕾溪淺玉易尋葉枯藥難採  
久懷張邴志故池鶴應待

擬儲太祝田家雜興

不雨焦人心旣雨悅人目嘉禾遍平疇滋潤如  
膏沐相逢父老言舊年苦不足今者天降康可  
望廩多粟田賦早輸納不勞吏催促仰事俯育  
外兼能周寒族甌煮雲子飯盤盛花猪肉請君  
一過我聊用申欵曲

苗生幾何時綠雲變黃雲刈來好收藏禾真三  
百困年豐人事舉女嫁男宜婚小兒送村塾漸  
令廣見聞荒郊迎貓虎古社獻雞豚歲暮相飲  
宴濁酒滿匏樽

高陽池

襄陽山水頗幽雅一鑑高陽未足奇不是山公  
頻到此至今誰數習家池

苜蓿

漢帝購龍媒果然天馬徠併能移苜蓿不合雜  
蒿萊沙苑邈迤闢離宮爛熳栽春苗紅雨點秋  
葉綠雲堆影密連青草花繁掩紫苔充盤勝藜  
藿種圃擬藝臺用飽三花驥兼肥七尺駉張騫  
如未採何自遠方來

## 鑄鼎原

上古聖人立人紀功德與天相終始萬世永奉  
爲神明其人雖死猶不死大哉黃帝垂衣裳旋  
轉乾坤羲農比聰明自可得長生何須問道廣  
成子自從方士秘金丹謾謂軒皇亦學仙當年  
親受天姥教曾鑄寶鼎於荆山煉得丹砂成黃  
金一朝冉冉登青天弓墮小臣空號泣悵望龍  
髯不可攀此事流傳至秦漢癡心妄想真堪嘆  
徐市船載童男女海上仙人杳難見少君亡後



少翁來又有神君居翠幔脫屣未能視妻子回  
惑反致兩宮亂太虛何處可飛昇分明一抔號  
橋陵云葬衣冠係人思此言附會亦不經世間  
尙有鴻冢在一體君臣薦椒馨阿誰擬作飛龍  
引聊寄悠悠遺世情

焚書坑

始皇自用本來愚久視成編可有無餘燼他年  
燃楚炬深文此日陷秦儒黃公橋上授韜畧孔  
氏壁中藏典謨畢竟書坑燒不盡常教後世笑

糊塗

自從典籍成灰後  
藝苑荒蕪經笥虛  
有客祇提三尺劍  
無人得讀五車書  
灌嬰販帛樊<sub>噲</sub>屠狗  
周勃吹簫信<sub>韓</sub>釣魚  
倉卒雲龍相會合  
滅秦興漢智何如

歌風臺

君不見赤帝劍誅白帝子  
從此雲飛風亦起  
秦鹿不教項籍得  
楚猴終遇灌嬰死  
昔年亭長今君王  
富貴暫時歸故鄉  
豐沛父兄皆宴樂  
芒碭

山水亦輝光百二小兒環錦帳酒酣歌曲聲悲  
壯七年社稷費經營一統山河思保障嗚呼猛  
士本來多無計逃誅可奈何稱病梁王心事著  
上書賁赫語言訛信在長安豈謀反吁嗟鍾室  
身難免可恨周昌告陳豨遂令樊噲征盧綰高  
后深思更遠謀不容異姓作王侯孰知太尉將  
誅呂能使諸軍盡袒劉異姓何曾負家國曲全  
要在人君力寬仁大度詎虛名刻薄寡恩原涼  
德明哲古今能保身見微知著有何人晚年辟

穀烟霞客早歲運籌帷幄臣悠悠漢祚多年代  
光武功臣免禍害狡兔已死走狗烹前車足爲  
後車戒歌臺古蹟野田間寂寞無人衣錦還恍  
惚雲旗天外至精靈猶戀舊家山

### 蕪婁亭

光武北渡河鎮慰諸郡縣王郎爲天子倉卒遇  
患難移檄購求急晨夜南奔竄行行至蕪婁人  
馬俱疲倦况復飢寒甚何從得一飯幸有馮公  
孫迺將豆粥獻昔日在昆陽龍鬬何勇悍今日

在饒陽獸走何因頓勝負原無常成敗且莫論  
白衣指所之天意總歸漢吳寇來助擊終靖邯  
鄲亂銅馬諸賊兵剪除不滋蔓疆華奉赤符蕭  
王受帝眷卽位千秋亭一紙天章煥火德熄復  
燃四七協神算偉矣中興主廟謨能雄斷

村居漫興

一徑通村舍榆柳植成行當午倚樹坐風吹更  
清涼有時戴簪冠散步清溪傍衝岸一魚躍掠  
水羣鳬翔物各適其性而我亦徜徉回看鋤禾

人流汗濕衣裳苦樂太不均飢渴更可傷謝客  
笑沮溺爲人信疎狂

### 憶昔

昔我游須彌

山名須彌岩  
一曰松鳴岩

正當四月時一路野

花發蕨芽遍平陂遙見三峰出萬松翠巘離行  
行到山麓捨車步雲梯半嶺創危構菩薩儼威  
儀蓮座湧清泉渴飲沁心脾仄逕宛轉去目眩  
臨厓屨左穿新閣道上達仰天池諸龕遍烟岑  
一一探幽竒披雲兼撥草登降不知疲惜哉西

方頂未得一攀躋至今夢寐間想像有遐思

友人約游紫菴山不果

萬松鳴處昔盤桓炎夏偏驚白日寒聞說紫菴  
山更好秋風秋雨阻吟鞍

次吳檜亭宜園賞菊韻

幽情恰與冷香宜來到名園菊滿籬  
乍訝御袍臨白屋如披朝服拜丹墀  
停杯陶令沉吟候倚檻楊妃半醉時  
更把醪醕延社友勸酬不覺罄

鳴夷

是日會社友御袍黃舊朝服醉楊妃皆菊名

贈潘清溪

我愛逍遙子郊遊只跨驢家耕田十畝村遶水  
雙渠磨墨裁唐句挑燈讀漢書時餘山店酒閒  
步訪樵漁

過扶風懷李清許夫子

夫子諱渠山東諸城人爲扶風令乾

隆癸卯科同考官  
苞出門下

一自簷帷去海濱當年絳帳亦生塵後堂音樂  
無人奏尙有弦歌奏邑人

不列門牆二十年傳聞杖履已登仙而今重到



栽花地桃李淒涼暮雨天